



Inatsisartunut ilaasortaq Jens Napātôk', Partii Naleraq
Inatsisartut Allattoqarfiat
/-Maani

**Ataani atsiortup statsministerillu ataatsimiissimanerat isumaqatigiissutaallu
pillugit § 37 naapertorlugu apeqqutip nr. 2018/241-p akineqarnera.**

18-09-2018
Sags nr. 2018 - 3545
Dok. nr. 8745463

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Jens Napātôk',

Inatsisartut suleriaasianni § 37 naapertorlugu ataani atsiortup statsministerillu
ataatsimiissimanerat isumaqatigiissutaallu pillugit Naalakkersuisunut apeqqute-
qarsimavutit. Apeqqutigisatit uannit akisassanngortinneqarsimapput.

- 1. Qanga Naalakkersuisut siulittaasuata atorfilittaasa Statsministerip
Lars Løkke Rasmussenip nunatsinnut tikinnissaa ilisimalerpaat?**
- 2. Naalakkersuisut siulittaasuat Inatsisartut suliaanun akulerunniarne-
ranut suna patsisaava? Naalagaaffik Danmark aktiaateqalissasoq
Kalaallit Airport A/S pillugu?**
- 3. Qanoq annertutigisumik Naalagaaffiup Danmarkip aningaasanik
allatigullu tapeeqataassava? Sunillu?**
- 4. Naalagaaffik Danmark aktiaatitigut piginneqataanerani suut piuma-
saqaataassappat?**

Inatsisartut sulinerannut akuliullunga isumaqanngilanga.

Statsministerip ataanilu atsiortup Nuummi ataatsimiinnissaannut isumaqatigiis-
suteqarsimaneq arfininngorneq ulloq 8. september 2018 aalajangiiffigineqarsi-
mammam nalunaarutigisinnaavara, ullorlu taanna Naalakkersuisut aalajangersi-
mapput Naalakkersuisut Siulittaasuat Naalakkersuisut sinnerlugit Kalaallit Nu-
naanni mittarfiliortiternissanut danskit peqataatinnissaat aamma Danmarkip
Kalaallillu Nunaata akornanni inuussutissarsiornikkut suleqatigiinnerup nukittu-
nerulernissaa pillugu danskit naalakkersuisuinik isumaqatigiissusiorsinnaassa-
soq.

Piffissaq taanna nallertinnagu tikeraarnissaq piareersarnejarsimavoq, taamaallillunilu ataatsimiinneq ingerlanneqarsinnaasimavoq, isumaqatigiissullu tunngavissatut tulluurtutut isigisavut tunngavigalugit atsiorneqarsinnaasimalluni. Tamatumani soorunami piumasarineqarpoq ataatsimiinnisamat isumaqatigiissusiornissamullu tunngavissat naammassineqarsimassasut. Tassalu siullertut isumaqatigiissutissamat missingiutip imarisaanut statsministerip ataanilu atsiortup isumaqatigiinnissaat, kingornatigullu marluulluta naalackersuinikkut tapersortitsinniit pisariaqartinneqartumik isumaqatigineqarnissarput. Uannut tunngatillugu tamanna arfininngornermi 8. september 2018-imi Naalackersuisut aalajangernerisigut pivoq.

Statsministerip ataanilu atsiortup danskit naalackersuisui aamma Naalackersuisut sinnerlugit ulloq 10. september 2018 isumaqatigiissummik atsiorsimammata paasissutissiissutigissavara, isumaqatigiissumilu Kalaallit Nunaanni mittarfiliortiternissanut danskit peqataatinneqassasut aamma Danmarkip Kalaallilu Nunaata akornanni inuussutissarsiornikkut suleqatigiinnerulernissaat pineqarput.

Ullorlu taannarpiaq isumaqatigiissut pillugu oqaaseqaatinik saqqummiivugut, Naalackersuisullu nittartagaanni isumaqatigiissut pineqartoq aallugu misissorneqarsinnaavoq. Isumaqatigiissummi naalagaaffik mittarfiliortiternernut aningaasaliinissamat inuussutissarsiutinillu ineriartortitsinissamat suleqatigiit-toqarnissaanut kiisalu piumasaqaatinut Kalaallit Airports A/S-imi Nuummi Ilulissanilu mittarfiit sanaartornissaannut ingerlannissaannullu ingerlatseqatigiiffimmut ataatsimut piginneqataaffiusussamat sutigut suleqataassanersoq takuneqarsinnaavoq.

Paatsuungasoqannginnissaa pillugu Inatsisartut mittarfiliortiternernut aalajangiinerannut kiisalu danskit kalaallilu oqartussaallutik aningaasaliis-suteqartut akuersissuteqarnerat nangaassuteqarfigalugit isumaqatigiissut atsiorneqarsimammata oqaatigissavara.

Apequtigineqartumut allanik ilanngussassaqaqanngilanga.

Inussiarnersumik inuulluaqqusillunga



Kim Kielsen



07-09-2018

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqut:

1. **Qanga Naalakkersuisut siulittaasuata atorfilittaasa Statsministerip Lars Løkke Rasmussenip nunatsinnut tikinnissaa ilisimalerpaat?**
2. **Naalakkersuisut siulittaasuat Inatsisartut suliaanut akulerunniarneranut suna patsisaava? Naalagaaffik Danmark aktiaateqalissasoq Kalaallit Airport A/S pillugu?**
3. **Qanoq annertutigisumik Naalagaaffiup Danmarkip aningaasanik allatigullu tapeeqataassava? Sunillu?**
4. **Suut piumasaqaatit aallaavigalugit Naalagaaffik Danmark aktiatigut piginneqataalis-sava?**

(Inatsisartunut ilaasorta, Jens Napātôk', Partii Naleraq)

Tunngavilersuut:

Inatsisartutut ilaasortatut aammalu aningaasaqarnermut ataatsimiititaliami ilaasortatut paasissutis-sanik pingaaruteqarluinnartumik ilisimatinneqarsimanngilanga, tamannalu akuersaarsinnaanngilluin-narpara. Air Greenland A/S-imi pissutsinut tujorminartunut uteqqinnialernerluta, Naalagaaffik Danmark piumallerlunilu sinneqartoorutitik aalliinnartalissava? Ilumut pissutsit ilungersunarsingaluttuinnar-put.

Apeqqutit ullut suliffiit qulit qaangiutsinnagit akineqarnissaat kissaatigaara

Partii Naleraq

Imaneq 1, Postboks 4120, 3900 Nuuk, E-mail.: mfdi@ina.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 51 Angallattagaq.: +299 54 79 67